

Mbuzi, Mbwa na Ng'ombe

Fabian Wakholi
Kiswahili






Mbuzi, Mbwa na
Ng'ombe walikuwa
marafiki wakubwa.

Siku moja walienda
safari kwa tekisi.

Walipofika mwisho wa safari yao, dereva aliwauliza walipe nauli zao.
Ng'ombe alilipa nauli yake.





Mbwo alilipa zaidi
kidogo kwa sababu
hakuwa na kiasi kamili
cha pesa.

Dereva alikuwa karibu
kumrejeshea Mbwa
pesa zake zilizosalia
wakati Mbuzi
alipotoroka bila kulipa
chochote.





Dereva alikasirika sana.
Aliondoka huku
akiendesha gari bila
kumrudishia Mbwa pesa
zake zilizobaki.

Hiyo ndiyo sababu, hata
leo Mbwa hukimbia
kuelekea gari akiwa na
nia ya kuangalia ndani
ili kumpata dereva aliye
na pesa zake zilizosalia.





Mbuzi naye hutoroka
anaposikia mlio wa gari.

Anaogopa kushikwa
kwa kukosa kulipa nauli
yake.

Na Ng'ombe
hashughuliki gari linapo
kuja.

Ng'ombe huchukuwa
muda wake kupita
barabara kutoka
upande mmoja hadi
mwingine.

Anajua kuwa alilipa
nauli yake kamili!




Mbuzi, Mbwa na Ng'ombe

Writer: Fabian Wakholi

Illustration: Marleen Visser

Translated By: Brigid Simiyu

Language: Kiswahili



© African Storybook Initiative, 2014



This work is licensed under a Creative Commons Attribution
(CC-BY) Version 3.0 Unported Licence

Disclaimer: You are free to download, copy, translate or adapt this
story and use the illustrations as long as you attribute or credit the
original author/s and illustrator/s.

Saide 
South African Institute
for Distance Education

www.africanstorybook.org
A Saide Initiative